



# SLUŽBENI GLASNIK OPĆINE KALESIJA

Godina: XLV

Utorak, 21.09.2010. godine  
K A L E S I J A

Broj: 7

## OPĆINSKO VIJEĆE

### 90

Na osnovu člana 13. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06) i člana 42. Statuta općine Kalesija – Prečišćen tekst («Službeni glasnik općine Kalesija», broj 10/07, 7/08), Općinsko vijeće Kalesija na sjednici od 16.09.2010. godine, d o n o s i

### ODLUKU

o određivanju lokacija za postavljanje oglasa, plakata, postera i drugih propagandnih materijala političkih subjekata u toku izborne kampanje za opće izbore 2010. godine

#### Član 1.

Ovom Odlukom određuju se lokacije za postavljanje oglasa, plakata, postera i drugih propagandnih materijala političkih subjekata u toku izborne kampanje za opće izbore 2010. godine i vrijeme primjene ove Odluke.

#### Član 2.

Lokacije na području općine Kalesija: objekti u privatnoj svojini uz saglasnost vlasnika ili posjednika objekta, oglasne ploče, stubovi ulične rasvjete i elektro mreže, reklamne table uz plaćeni zakup, određuju se za postavljanje oglasa, plakata, postera i drugih propagandnih materijala političkih subjekata u toku izborne kampanje za opće izbore 2010. godine.

#### Član 3.

Ova Odluka primjenjivat će se do 03.10.2010. godine.

#### Član 4.

Odredbe Odluke o komunalnom redu („Sl. glasnik općine Kalesija“, broj 7/01 i 5/09) propisane članovima 13. do 29. neće se primjenjivati u periodu važenja ove Odluke, a vezano za postavljanje oglasa, plakata, postera i drugih propagandnih materijala političkih subjekata na lokacijama iz člana 2. ove Odluke.

#### Član 5.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-2689  
Datum: 17.09.2010. godine

PREDSJEDAVAJUĆI  
OPĆINSKOG VIJEĆA  
Hujdur Fetah s.r.

### 91

Na osnovu člana 13. stav 1. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06), člana 42. Statuta općine Kalesija – Prečišćeni tekst («Sl. glasnik općine Kalesija», broj 10/07 i 7/08), Općinsko vijeće Kalesija na sjednici održanoj 16.09.2010. godine, d o n o s i

**PLAN JESENJE SJETVE ZA 2010.GODINU****1. UVOD**

U strateškim razvojnim dokumentima Općine Kalesija, poljoprivreda je privredna djelatnost koja ima prioritetno mjesto, jer Općina raspolaže veoma značajnim resursima za intenzivan razvoj poljoprivrede.

U narednom periodu pokretač razvoja primarne poljoprivredne proizvodnje na općini Kalesija biće Sarajevski Milkos koji je u privatizaciji kupio bivše poljoprivredno dobro Spreča. Možemo konstatovati da se na području općine Kalesija osjeća pozitivan trend razvoja poljoprivrede. Tom pozitivnom trendu doprinijelo je više faktora:

- nemogućnost stanovništva da nađe profitabilniji posao
- Federalni, kantonalni i općinski podsticaji u primarnoj poljoprivrednoj proizvodnji
- Prodaja farme Krušik sarajevskom Milkosu

**2. STRUKTURA I OBIM SJETVE**

Planom jesenje sjetve u 2010 godini predviđeno je da se na području općine Kalesija obavi sjetva na površini od 718 ha, što je više za 81 ha u odnosu na ostvarenje 2009. godine.

R. B	Naziv kulture	Ostvareno u 2009 godini ha	Planirano u 2010 godini ha
01.	Pšenica	230	260
02.	Raž	20	30
03	Zob	30	40
04	Lucerka	140	150
05	DTS	160	170
06	Ječam	55	65
07	Povrće	2	3
UKUPNO		637	718

Da bi realizacija plana jesenje sjetve bila uspješna potrebno je obezbjediti dovoljne količine repromaterijala utvrđene na bazi planske strukture sjetvenih površina na području općine Kalesija.

**3. PLAN POTREBNIH REPROMATERIJALA ZA JESENJU SJETVU**

Vrsta repromaterijala	Sjetvene površine ha	Utroška sjemena kg/ha	Ukupno kg	Cijena po jedinici mjere u KM	Ukupno KM
Sjeme Pšenice	260	300	81000	0,75	60750
Zob	40	220	8800	0,75	6600
Ječma	65	270	17550	0,75	13162,5
Lucerke	150	35	5250	11,00	57750
DTSa	170	50	8500	8,00	68000
Povrće	3	3	9	-	200
NPK Đubrivo	718	300	215400	0,88	189552
KAN 27 %	718	150	107700	0,48	51696
Dizel gorivo	718	50	35900	1,90	68210
Ulje i mazivo	718	4	2872	5,00	14360
Herbicidi	300	3	900	20,00	18000
Insekticidi	300	2	600	20,00	12000
UKUPNO:					560280,5

Iz predhodne tabele je vidljivo da su za realizaciju plana jesenje sjetve potrebna sredstva u iznosu od 560 280,50 KM.

U cilju ostvarenja plana jesenje sjetve potrebno je obezbjediti određene preduslove kao što su:

1. Obezbjediti kvalitetno sjeme i sadni materijal sa odgovarajućim porijeklom, certifikatom, fitopatološkim uvjerenjem i sortnoj čistoći.
2. Obezbjediti ostale repromaterijale za sjetvu (mineralna đubriva, zaštitna sredstva, gorivo i mazivo)
3. Obezbjediti regres na dizel gorivo i mineralna đubriva.
4. Blagovremeno obezbjediti neophodne rezervne djelove za mehanizaciju (traktori i priključna oruđa).
5. Mobilisati stručne službe na terenu kako bi bile na usluzi poljoprivrednicima.

## 92

Na osnovu člana 42. Statuta općine Kalesija – Prečišćeni tekst („Službeni glasnik općine Kalesija”, broj 10/07 i 7/08), Općinsko vijeće Kalesija na sjednici održanoj dana, 16.09.2010. godine, d o n o s i

### **PROGRAM ZIMSKOG ODRŽAVANJA LOKALNIH I NEKATEGORISANIH PUTEVA NA PODRUČJU OPĆINE KALESIJA U ZIMSKOJ SEZONI 2010/2011. GODINE**

#### **U V O D**

Na području općine Kalesija nema registrirane specijalizovane organizacije za izgradnju, rekonstrukciju i održavanje lokalne i nekategorisane putne mreže. U proteklom periodu zimsko održavanje puteva vršeno je angažovanjem Službe civilne zaštite općine Kalesija uz djelimičnu ispomoć DD »Komunalac« Kalesija. Služba civilne zaštite posjeduje jedan kamion tipa »Stajer« koji ima neophodnu opremu za zimsko održavanje puteva, počev od noža za stuganje i čišćenje sniježnih nanosa do mogućnosti kačanja rasturača posipnog materijala. Ovo specijalno opremljeno vozilo je u mnogome doprinijelo efikasnijem održavanju puteva u pogledu razgrtanja snijega i posipanja adekvatnim materijalima za odleđivanje puteva i smanjenje klizavosti. Zimsko državanje lokalnih i nekategorisanih puteva u zimskoj sezoni 2010/2011 godine održavat će Služba civilne zaštite općine Kalesija, a u ekstremno teškim situacijama na našim lokalnim i nekategorisanim putevima vanredno ćemo angažirati specijalizirane firme koje imaju potrebnu mehanizaciju. Ovakvu organizaciju održavanja lokalnih i nekategorisanih puteva u zimskom periodu ćemo primjenjivati zbog obezbjeđenja što normalnijeg odvijanja saobraćaja na području općine, sve dotle dok ne zažive druga povoljnija zakonska rješenja u ovoj oblasti.

#### **ZIMSKO ODRŽAVANJE LOKALNIH PUTEVA**

Imajući u vidu stanje lokalne putne mreže, konfiguracija terena kuda isti prolaze, te važnost pojedinih putnih pravaca koji povezuju

centar Općine sa centrima MZ-a, u predstojećoj zimskoj sezoni, prioritet čišćenja lokalnih puteva treba dati putevima koji povezuju najudaljenije MZ-e sa centrom Općine, na kojim se odvija javni linijski prevoz putnika (autobuski prevoz), mjesta gdje stanuju bolesni građani općine Kalesija koji imaju potrebu za hemodijalizom. Za ove poslove angažovat će se sredstva Službe civilne zaštite i sredstva specijaliziranih privrednih subjekata.

U pogledu održavanja i raščišćavanja ulica u gradu Kalesija, kao i centrima MZ-a i u pojedinim naseljima pored navedene mehanizacije, putem povjereništava MZ treba organizovati i raščišćavanje puteva, trotoara i javnih površina ličnim učešćem građana i angažovanjem individualne mehanizacije pogodne za ovu vrstu posla.

Nekategorisani putevi će se održavati ličnim angažmanom građana mjesnih zajednica, pri čemu treba koristiti raspoloživu mehanizaciju i ljudske potencijale. Pored toga, u slučaju većih vremenskih nepogoda, koristit će se svi raspoloživi pogodni kapaciteti, u skladu sa Zakonom o spašavanju ljudi i materijalnih dobara od prirodnih i drugih nesreća (»Sužbene novine FBiH«, broj 39/03), Odluka Općinskog vijeća i Općinskog načelnika.

U cilju blagovremenog i efikasnog održavanja lokalne putne mreže Služba civilne zaštite, vršit će čišćenje snijega sa kolovoza po prioritetu kako slijedi:

#### **A. Putni pravci I grupe prioriteta**

1. Put Tojšići centar – Handžići – M4 – Kikači – Hrasno D. – Hrasno G. (džamija),
2. Put za Jajiće (raskrsnica Jajići – Međeđa – Kalesija – Sapna do Jajića),
3. Put Rainci Gornji (M4) – Meškovići (škola),
4. Put Kalesija – Gojčin (škola),
5. Put Rainci Gornji (M4) – Rainci Donji – Puzići – Pedići – Zates – Međaš (M4),
6. Put Grabik (novi put) – Brda (raskršće),
7. Put Sarači (M4) – Lipovice (Jakubovića brdo),
8. Put Seljublje – Čifluk – Puljkov do,
9. Put Hrasno Donje – Paraći – Horozovina – Seljublje.

## B. Putni pravci II grupe prioriteta

1. Put Međaš – Hangari – Jeginov Lug (trafo) – Izbjegličko naselje,
2. Put Tojšići – Bara – Atik džamija – Čive (kraj sela) – Masle (čitaonica) – Masle II – Masle I – Džafići – Mejtefište – D. Vukovije,
3. Put Početak od M4 – Bulatovci – Memići Spomenik – Brezik – Memići (škola) – Memići (M4),
4. Put Paloši – Salkići – Hadžići,
5. Put Podkojnik – Salkići (Crne Bare),
6. Put Puzići – Požegići – Zates,
7. Put Rainci Gornji(M4) – Bukvari raskršće,
8. Put Međaš raskršće – Gutići – Barčići – Pješavica,
9. Put Međaš Dom – Mešići (pomoćni put kroz Mešiće do izlaza na magistralni put M4 Međaš).

## C. Putni pravci III grupe prioriteta

U ovu grupu prioriteta spadaju svi ostali nekategorisani putni pravci. Finansijska sredstva za provođenje ovog Programa obezbijediti u Budžetu općine Kalesija.

Za realizaciju ovog Programa obavezno blagovremeno obezbijediti posipni materijal i neophodni potrošni materijal i opremu za specijalno vozilo Službe civilne zaštite.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj:01-05- 2554  
Datum;17.09.2010. godine

PREDSJEDAVAJUĆI  
OPĆINSKOG VIJEĆA  
Fetah Hujdur s.r.

## 93

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće Kalesija, na 19. redovnoj sjednici održanoj dana 16.09.2010. godine, donijelo je slijedeći

## Z A K L J U Č A K

### I

Prihvata se Informacija o izvršenju budžeta općine Kalesija za period 01.01.2010. do 30.06.2010.godine.

### II

Zaključak će biti objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
OPĆINSKOG VIJEĆA  
TUZLANSKI KANTON  
OPĆINA KALESIJA  
Broj: 01-05-2555  
Datum,17.09.2010. godine

PREDSJEDAVAJUĆI  
OPĆINSKOG VIJEĆA  
Fetah Hujdur s.r.

## 94

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće Kalesija, na 19. redovnoj sjednici održanoj dana 16.09.2010. godine, donijelo je slijedeći

## Z A K L J U Č A K

### I

Usvaja se Izvještaj o radu Vijeća mjesnih zajednica općine Kalesija za 2009.godinu.

### II

Zaključak će biti objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2556  
Datum,17.09.2010. godine

PREDSJEDAVAJUĆI  
OPĆINSKOG VIJEĆA  
Fetah Hujdur s.r.

## 95

Na osnovu člana 13. Zakona o principima lokalne samouprave („Sl. novine FBiH“, broj 49/06), člana 42. Statuta općine Kalesija – Prečišćen tekst („Sl. glasnik općine Kalesija“, 10/07 i 7/08) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08), Općinsko vijeće Kalesija, na 19. redovnoj sjednici održanoj dana 16.09.2010. godine, donijelo je slijedeći

### Z A K L J U Č A K

#### I

Prihvata se Informacija o stanju kulture, fizičke kulture i informisanja na području općine Kalesija u 2009.godini.

#### II

Zaključak će biti objavljen u „Službenom glasniku općine Kalesija“.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2557  
Datum, 17.09.2010. godine

PREDSJEDAVAJUĆI  
OPĆINSKOG VIJEĆA  
Fetah Hujdur s.r.

---

# *S a d r Ź a j*

<b>OPĆINSKO VIJEĆE</b>	<b>Strana</b>
90. Odluka o određivanju lokacija za postavljanje oglasa, plakata, postera i drugih propagandnih materijala političkih subjekata u toku izborne kampanje za opće izbore 2010.godine.....	84
91. Plan jesenje sjetve za 2010.godinu.....	85
92. Program zimskog održavanja lokalnih i nekategorisanih puteva na području općine Kalesija u zimskoj sezoni 2010/2011. godine.....	86
93. Zaključak .....	87
94. Zaključak .....	87
95. Zaključak .....	88